


BIBLIOTEKA


Zekł. Nar. im. Ossolińskich


XVII

588



1701
V. Dictionnaire des égyptiens





SIMONIS SIMONIDÆ
IMAGINES

DIÆTÆ ZAMO.

*V. Barth. Grev. S. C. A. N. E. Ant. Lib. Jacobi
Phil. Doct. 1605*



15.509

ZAMOSCI

Martin. Lenscius Acad. Typogr. excudebat.

Anno Domini M. DC. IV.

*excellentissim. Dno. Martin. Lenscio Typogr. &
Ant. Lib. et Phil. Doct. amico charo et obsequio*

WILSON'S

LIBRARY

Handwritten notes in cursive script, mostly illegible.

Handwritten notes in cursive script, mostly illegible.



XVII-588-II

ILLVSTRISS. PRINCIPI
IOANNI DVCI IN O-
STROG CASTELLANO CRA-
COVIENSI

ANDREAS SREDZINIVS S. D.



Pro ea familiaritate, quæ mihi quo-
tidiana est cum Simone Simonida,
fortè scidas eius vnà reuoluebamus;
in quibus reperimus Elegiã quan-
dam titulum Imaginum Diætæ
Zamoscianæ præferentem : quam
cùm auidius relegerem, causamq; & tituli & carminis
ab eo perquirerem. Optimi dierum, inquit, est hoc
ἀνάθημα; atq; adeò ætatem iam habet : ante decenniũ
enim scripta est. Cùm Barbaram Tarnouiam nuptam
nouam Heroi nostro parentes domum deducerent,
atq; ille incredibili festiuitate foceros exciperet, ima-
ginibus istis diætam in qua conuiuium apparabatur
adornandã iusserat ; vbi etiam nũ celeberrimo specta-
culo visuntur : eas tũ carmine illustrare voluptas
mihi fuit. Enimverò ita, inquam, sciebam, festiuita-

tis illius hæc fuisse ornamenta. de carmine tuo non-
nihil inaudiueram ; & laudari, causamq; à nonnullis
adferri, cur iam tùm editum non fuisset, memineram:
nempe ista, quæ ex occasione de consiliis belli Turci-
ci, à Sixto v. Pontifice Maximo cum Stephano Rege
Poloniæ agitatis, adspersa sunt, ne inuidiosa apud vul-
gus illis temporibus forent, quibus post defunctos il-
los Heroas, societas belli Turcici, sæpius à nostris
tentata, non coaluit. Nunc postquam dies iudicia ho-
minum composuit, triconum ex numero, aut negli-
gens nominis tui fueris, si fætui huic lucem negaue-
ris. Quum non renuisset, cupido me incessit Elegiã
ipsã in publicum dare: idq; duplici ex causa. primùm,
vt tam bello carmini vitam redderem: deinde, vt in
memoriam apud præsens sæculum reuocarem, quan-
ti momenti res à summis principibus instituta tùm
fuerit: si fortè exemplo aut incitamento esse possit iis,
qui nunc ad clauum sedent. Porro apud te Illustriss.
Dux, deponendam putaui, non ingrato, quantum
spero, munere; quum auorum tuorum Paterni atque
Materni laudes contineat; quorum diuinissimam stir-
pem vt familia vestra immortalibus sæculis propaget,
pro bono publico, etiam atq; etiam cupio. Zamoscij.
Calen. Iulij. Anno M. DC. IV.

SIMONIS

SIMONIS SIMONIDÆ
IMAGINES DIÆTÆ
ZAMOSCIANÆ.

Festa Zamosciades celebrat conuiuia Princeps,
Et renouat magnæ munera lætitiae.
Qualia par soceris generum renouare vocatis,
Acceptæ lautum coniugis hospitio.
Dicite Pærides, neq; enim vos defore vestro
Heròi blandis addecet officii,
Dicite, qua pompa, quo vos sistetis honore,
Quo cultu vester gestiet ire lepor?
Non ego vos credo, quæ pulchra modestia vestra est,
Inter conuiuas velle sedere viros.
Quà procures, quà lectus eques, quà flos sedet omnis
Regni, quo nullum Sol videt eximius.
Non epulis duci vestrum est, non pocula plena
Siccare, aut mensæ quærere luxurias.
Non choreis, quanquam choreis Heliconæ soletis
Lustare, hîc operam insumere censuerim.
Talia Sarmatides melius ludicra puellæ
Præstiterint, longo syrmate Sarmatides.
Scilicet appensam ex humeris cytaramq; lyramq;
Sit potius vobis, aptaq; plectra fidi.

*N*i, quòd fortè manu quoties tractastis eburnam
 Aut cytharam, aut curuæ grandia fila lyrae,
*M*agna Zamosciadae quæis nomina iactarentur,
 Nomina cælorum proxima culminibus.
*S*emper se obtulerint Mauortia gesta canenda.
 Et quæ magna Heros præstitit arte togæ.
*V*ilene sit munus molles resonare Hymenæos.
 Dum maiora vocant, pæne minora tacent.
*N*ontamen immunes, non mutas esse Camænas,
 Nec stando studium perdere velle decet.
*N*ec verò Heroum sunt maxima seria sola.
 In mediis splendent, seria multa, iocis.
*A*t vos vel paries iam fecerit iste disertas.
 Inchyta qui paries picta habet ora virum.
 Quæis exornari nosler sua gaudia Princeps
 Quæ fuit, causa non sapiente sine.
*H*uc oculos adbibete Deæ, huc deflectite carmen.
 Non procul à pictis carmen imaginibus.
*S*ic ego, sic Diuæ blanda sunt voce secutæ.
 Et digitum Clio verterat ad tabulas.
*H*æc quæcunq; vides signata coloribus ora,
 Vultibus è viuis transtulit apta manus.
*A*tq; illi Diuûm numerum iam sedibus augent
 Aethereis, vitæ post pia fata suæ.
*N*oster at his foceris gaudet lætissimus Heros.
 Affines virtus quos sibi vera dedit.

*Hic qui subducto vultu, qui fronte seuera,
 Viuacique oculo, canicieque breui,
 Imminet auratis foribus, laquearia subter,
 Conspicius vestis simplicitate suæ,
 Hic ille est ingens Tarnouius, ille vel Indis
 Cognitus, armigeræ munere militiæ.
 Mox gelidos Marte indomito pulsare Triones,
 Seu solitus Moschum, seu solitæ sue Scytham.
 Atq; Gethæ, innumeris quamuis Gethes ibat in armis.
 Parua manus tamen hos fuderat innumeros.
 Testes albentes constratis ossibus agri.
 Testis Obertini sanguine pinguis humus.
 Artis opus fuit hoc, Ducis & solertia summa.
 Ars facilè immensis viribus ora domat.
 Nec minùs ille domi, si quando læta vocabant
 Munia, paxq; rotis fulserat in niueis,
 Consilijsq; opulens, rerumq; grauissimus auctor,
 Et iuris cautus fræna tenere manu.
 Ad nostros idem facilis se flectere lusus.
 Illius hîc primis creuimus auspiciis.
 Barbariemq; eluctatæ, cæcasq; tenebras,
 Vidimus hîc nostros molliter ire pedes.
 Hoc patruo magno neptis nunc pulchra superbit.
 Quæ modo pulchra bono nupta Zamosciadæ est.
 O Pater, ô lux sola domus, ô gloria prima.
 Te, nomenq; tuum, fama perennis habet.*

Inuida sed longam stirpem tibi fata negârunt.

Nam seruauit opes filia sola tuas.

Non tamen inferiore loco fortuna recepit

Se tua, nec titulis deteriore tuis.

Ostrouis Ducibus, Ducibus quæ Russiâ auitis

Assurgit, cæptis vsq; ab originibus,

Filia connubij postquam concessit honore,

Transtulit ad generos remq; domumq; tuam.

Quare haud immerito, vel cùm iam lumine functus,

Depicta tacitus cerneris in tabula,

Cernitur Ostrouius iunctus tibi maximus Heros,

Olim coniunctus militiæ studiis.

Constantine senex, tetrico te noscere vultu,

Et datur hac multo crine comante gena.

Tu Moschum frænare ferox, tu vertere turmas,

Doctus & hostili sternere cæde solum.

Millia quot celsam profligas victor ad Orsam.

Militis haud vllò vulnere pænetui.

Quot vertis q;acies, rapidoq; in flumine mersas.

Quot captiua trabis colla prebensa Ducum.

Scilicet ante tuum nullo superabile bello

Magnanimum robur senserat ante Scythes.

Non bellare Scythes, non campo credere aperto,

Sed raptu, & volucris fidere suetus equo.

Tunc numero fretus, campe sribus arduus aruis,

Olsanicza vago quâ trepidat fluuiò,

Explicit Mauorti aciem, pugnamq; petiuit.

Sed citò quàm explicuit, tam citò damnata tulit.

Exuperat res gesta fidem, numerusq; cadentium.

Cum tamen è nostris vix manus vlla cadit.

Fortunate senex, cui se Tarnouia iunxit

Et domus & virtus, & bona spes generis.

Nunc supervsque novis surge auctior incrementis.

Tarnouius iuncta gente Zamosciada.

Cuius vel summo virtus se exæquat Olympo,

Et splendor toto nominis orbe volat.

At sibi iam facies Stephani augustissima visum

Auocat, ô magni Regis imago mei.

O quàm dulce tuis saturari obtutibus, ô quàm

Os oculosq; tuos cernere pervolupe est,

Et maiestatem reuereri, & figere mentem,

Et diu ex vultu nescio quid capere.

Sed tua facta modis tenuare ingentia parvis

Dedecet, aut curtis laudibus atterere.

Olim aliàs pleno liceat te dicere versu,

Inq; tuum nomen libera vela dare.

Nunc sat erit, quanto tu semper promptus amore

Herodè in nostrum, quàmque benignus eras.

Maxima virtutem eximiam cognoscere laus est.

Nec minor, inuentam surgere velle pati.

Virtuti innixi pollentium saepe virorum

Vsq; polo Reges inseruere caput.

Ergò tuo emicuit splendore Zamoscius Heros.

Nec minor ex illo lux tibi nempe data.

Hunc opibus, hunc tu titulis, & honoribus ornas,

Hunc dono magni deniq; coniugij.

Affini ut sese tanto iactaret amico.

Nam virtus socero vel Ioue digna satis.

Sed cita mors & te nobis, & post tua carpsit

Heu nimium viduo dona Zamosciadae.

Ille tui careat licet, & te caelica regna

Distineant, curâ non caret ille tui.

Quin memori cultu, & merito te iustus honore

Prosequitur, quod eum magna iubet pietas.

Et tua seu duris seu rebus numina laetis

Rite adhibet, grato sedulus officio.

Salve ô virtutum exemplar, decus addite Diuis,

Gloria regnantium maxima, summus apex.

Sis felix, tibi perpetua se mente dicavit,

Aeternum immota mente Zamosciades.

Quis verò hic mitra insignis, pallaq; rubenti,

Purpureus capitis tegmine ponè sui?

Frontis honore asper, nostri non sanguinis esse,

Nec bellatorum de genere arguerim,

Pontificum potius, quæis aurea Roma superbit.

Roma orbis victrix, Roma polo imperitans.

Ite humiles genibus, terræq; adsternite frontem,

Et pedibus sacris oscula prona date.

Hic

*Hic ille est Quinti celber cognomine Sixtus,
Incorrupti ingens præsidius animi.
Quo rigida inuicta constantia gaudet alumno,
Approbat & solidi roboris imperium.
Non solitus curis tricarî quippe minutis,
Nec leuia excelsò voluere consilio.
Sed mente immensas orbis complexus habenas,
Scilicet immensi Pastor vt orbis erat.
Quo pax tuta foret, quo Christi gloria facta,
Barbarus atq; hostis desineret furere,
Hoc studium pernox, hoc peruigil ille gerebat.
Hanc vnâ ardenti corde coquebat opem.
Inte Turca fremens, inte tota igneus ira,
Perpetuis inte viribus ire parans.
Ergo quæ primis constat res bellica neruis,
Innumeras solers accumularat opes,
Defraudans geniumq; suum, parcusq; fruendi.
Sed conseruandi diuitior studiis.
Nec leuior magnos quæ sita effundere in vsus,
Et bene parta bono promere iudicio.
Nam quo diuitiæ? quo gazæ structus acerrus?
Vti congestis nî sciat ars melior.
Hac homo cû primis diuinæ particulam auræ
Arte probat, iusto examine munificus.
Cautior hanc itidem postquam circumspicit ille.
Nutanti mundo quæ ferat auxilium.*

*Ecce videt Stephanum belli tūm laude vigentem,
Inconcussū animi, Dīs pietate parem.
Cuius vel totus sceptro bene cesserit orbis,
Omnia qui immotus pondera sustineat.
Tūm Stephanus Moschum quatiebat Marte cruento.
Liuronum repetens debita regna sibi.
Victor & Arctoofigebat in orbe trophæa,
Ad Tanaim seuos propter Hyperboreas.
Gauisus reperisse virum, totōq; profusus
Erga illum studio, mentēq; tota animi.
Illius in gremio posuit sua maxima vota.
Qualis sese auri gemma locat gremio.
Nec mora thesauros dites, tot structa talenta,
Pollicitis offert irreuocabilibus.
Et mandat Moschum porrò expugnare ferocem.
Barbarāq; appressō colla domare iugo.
Hinc Deus & melior si sic fortuna tulisset,
Nostrum vt venisses Mosche sub imperium.
Auctior & populis, & plenis viribus ingens,
Concuteret Turcas, concuteretq; Scytham.
Ipsoq; arriperet belli ad commercia Persas,
Communis quos Mars ad socia arma vocat.
Et iam consiliis trepidabat Moschica tellus,
Sēq; Asiæ nobis subdita regna dabant.
Nec te iam tuleras Turca importune superbum,
Nec sula vrgebas bella nefanda tuo.*

Cum


Cum tu ô sola salus, columenq; ô maxime rerum,
 Vnica spes Sixti, atq; vnica Christiadûm,
 Subtrahis è mundo te, & lumina morte relinquis.
 Et perimis tecum tot bona cæpta simul.
 Ipse etiam Sixtus propera te morte secutus.
 Cum tibi non posset iam reperire parem.
 Innumeras quàmuis mortalia sæcla propages,
 Magnorum & iactent nomina multa virûm.
 Vnus homo tamen egregiam sæpe instituit rem.
 Et sæpe amotus destruit vnus homo.
 Nunctu Sixte pater, Stephano cum rege beato,
 Aeterna æternûm vesceris ambrosia.
 Lætus consiliis communibus, aurea mulcens
 Corda ollis, in quæis vel voluisse sat est.
 Nos mæsti & trepidi, & deiecti culmine tanto,
 Dum venti magnas spes malè dilacerant,
 Ad vëstra ardentes heu nomina suspiramus.
 Anne ferant tales sæcla futura alios.
 An veniat quisquam vëstigia vëstra secutus.
 Curet qui obscænum tollere seruitium.
 Quod sensim irrepit, tacitûq; ambage propinquat.
 Imbelles habili compede collaqueans.
 Ceu leporem pavidò paccatum corde parûmper,
 Virgulti subter tegmine somnus iners
 Dum recreat, procul amotû latrante canum vi,
 Securum infidæ pacis in insidiis,


*Callidus inuentum plantæ per signa trifulcæ
Venator, positis retibus inuoluit.
O magnæ, ô diuinæ animæ, ô sanctissima corda,
O genus Heroum, ô vnicus orbis amor.
Vos iuuat æterno, vos carmine compellare.
Vos famâ sedes tollere ad æthereas.
Præcipuè vos hîc pietate Zamoscius aurea
Percolit, æternùm & percoluisse volet.
Et cum non liceat spirantes cernere coram,
Absentum sese pascit ad effigies.
Vsq; animo recolens, quantis tùm conscius ausis,
Quà socius laudum parte futurus erat.
Olim ceu sonipes animosa ad prælia natus,
Asuetus sonitus acris amare tubæ,
Arduus oppositas saltu turbare phalanges,
Hostem dente audax & pede deijcere,
Tùm stabulo inclusus lentè ad præsepia pigra,
Captiuo capiti dura capistra gerens,
Si phaleras, si fræna ferox splendentia sensit,
Audiit aut veteris murmura rauca tubæ.
Rectam aurem figit, totoq; assurgit in artus,
Lentamq; in stabili calce retundit humum,
Illustri cupidus magnum se ferre triumpho,
Hostibus aut mediis vulnera sæua dare.
Frustrâ nam cupidum retinacula ferrea stringunt,
Et vinclum audaci non sinit ire via.*

*Sed quò prouehimur pulchro sermonis amore?
Talia non istis conueniunt numeris.
Hæc aliàs olim cùm suaserit aptior hora.
Implêritq; manum mascula rite chelis.
Jam mensæ amotæ, iam regnant libera vina,
Jam iuuenes quærunt surgere posse toris.
Et quærunt contra consurgere blanda puellæ
Turba, arrecta quibus mens volat in choreis.
Musica iamq; mele sonuit clarissima signa,
Sponte sua argutum pes micat in numerum.
Cedamus spaciis, morem hunc conuiuia seruant,
Attentosq; demus lusibus vsq; oculos.*



6469
4





6469

4

